

衛輝府志卷四

星土

黃帝分星次自危十七度至奎四度曰豕韋之次一名姬
訾於辰在亥謂之大淵獻於律為太簇斗建在寅今衛分
野

史記列國分野衛地營室東壁之分壘今之東郡及魏郡
之黎陽河內之野王朝歌

漢書地理志營室東壁衛之分野

後漢書白危十度至壁八度謂豕韋之次立春驚蟄居之
衛之分野

衛輝府志

卷四 星土

一

二百八二

星經室壁星曰陬訾宮曰雙魚辰曰亥州曰弁為衛分

晉天文志河東入豷一度河內入張九度東郡入角一度
魏郡入昴一度

隋天文志魏郡入昴六度

周保章氏昴畢冀州

爾雅昴畢胃冀州

占驗

唐天文志自南正遠於西正得雲漢升氣為山河上流自
北正遠於東正得雲漢降氣為山河下流陬訾在雲漢升
降中居木行正位故其分野當中州河濟間

衛蓋當兩河
山河之會得

雲漢升降 且王良閣道由紫垣絕漢抵營室上帝離宮也

內接成周河內皆豕韋分

唐書地理志河北道蓋古幽冀二州之境孟懷洎衛及魏博相之南境為娥皆分

文獻通考營室東壁衛分壁兼得魏宋齊趙之交天官昂畢趙分野兼得魏衛之交

明統志衛輝府天文室壁分野

清類分野書云洎懷衛相皆衛分也天文星指室壁衛輝府懷慶府彰德府大名府

星經室宿二星十七度其屬為離宮為土公吏為騰蛇為

衛輝府志 卷四 星土 二 三百六六

雷電為壁壘陣為羽林軍為鈇鉞為北落門為天綱為八魁壁二星九度弱其屬為雲雨為霹靂為天廡為鈇鎖為

土功

舊志室亦謂之營室甘氏云為太廟天子之宮也石氏謂之元宮一曰清廟又為軍糧之府及土功事星明國昌小

不明祠祀鬼神不享國多疾疫動則有土功兵出野

舊志壁亦謂之東壁下九尺為天之中道主文章天下圖書之秘府也亦主土功明則圖書業道術行小人退君子

進星失色大小不同天子重武臣賤文士圖書隱親黨回

邪用星動則有土功離徙就聚為田宅事

形勢

衛輝府

詩泉源在左淇水在右

戰國策左孟門而右漳釜前帶河後被山

史記左孟門右太行常山在其北大河經其南

宋史地理志南瀆大河西壓上黨

元統志峯麓奇峻地當衝要泉甘水溫

元王惲學記北通燕趙南走京洛河山之間一都會也

文獻通考左右山河古稱重鎮

舊志朝貢連絡舟車交集

衛輝府志

卷四 形勢

三

二百四十一

續志東接齊魯西控三晉南襟汴洛北拱京畿衆水匯

流環帶城隅羣山列屏通道八省兩河之要地中土之

名區也

汲縣郭下

新鄉縣

河南通志而黃河之流搏五陵之勝

舊志左衛河右孟津太行峙其北黃河經其南

輝縣

元許魯齋記大山如蹲龍小山如踞虎

元記山水明秀風土清潤

元志峯麓奇峻泉甘水溫

元王惲學記地形高阜泉源淵深為衛地之勝槩

河南通志當蘇門之盤鬱匯百泉之縈流

續志行山跨其北衛水經其南

獲嘉縣

河南通志北峙同盟西環清水

舊志南帶黃河北峙太行四野平坦左夷右隆衛邦之

藩屏河北之咽喉

淇縣

河南通志青巖表僊境之勝浮山夾幽澗之奇

衛輝府志

卷四 形勢

四

二百二

舊志肘山腋水地形爽塏

延津縣

舊縣志西峙太行南經大河北環衛源

舊胙城志沁黃遠帶淇衛交臨

濬縣

詩在浚之下

晉灼曰黎山峙其南大河經其東

滑縣

漢書守白馬之津以示諸侯形制之勢

宋黃庭堅記全魏大名冀州右部二聖豫遊之近

河絲絡之奧區

舊志指臂梁魏股肱洪濮咽喉陳宋躡跨齊衛金堤在其東龍門出其南西覽太行之秀北峙大伾之雄

封邱縣

舊縣志黑山亘其北黃河經其南左引東昏之墟右阨博浪之阜

考城縣

歸德府志考城在睢之北通曹濮路

舊縣志東挹孟豬西接浚儀黃河遶其北盟臺拱其南祥異志

衛輝府志

卷四 形勢

五

周

景王二十一年五月衛災 左傳

赧王三十三年大水 舊志

漢

河平元年正月壬寅朔日月俱在營室時日出赤 前漢書

元初六年二月地震 通鑑

永和六年二月有星孛於營室 通鑑

永興元年秋河溢 通鑑

魏

景初元年九月衛大水 通鑑

咸熙二年十一月太行山崩 舊志

晉

咸寧四年螟七月大水 通鑑

五年五月丁亥雨雹丙辰又雨雹壞屋百三十餘間隕霜

傷麥 舊志

太康二年三月庚寅雨雹傷禾 舊志

六年六月雨雹 舊志

北齊

天保八年蝗 通鑑

武平三年龍見汲城酒井中 舊志

衛輝府志 卷四 祥異

隋

仁壽二年大水 文獻通考

唐

武德二年二月太行山聖人崖崩有聲 舊志

貞觀六年正月河北大水 舊志

十九年衛州人劉安道頭生肉角隱見不常因惑眾被誅

永徽二年十二月衛州河清 河南通志

五年六月大水 河南通志

顯慶五年春旱 河南通志

天寶二年旱 舊志

永隆元年九月大水人畜多漂溺 舊志

開耀元年八月大水浸壞民居千餘家 舊志

永淳元年旱 舊志

神龍元年七月大水 舊志

二年冬不雨明年又大旱饑 舊志

開元三年蝗水 舊志

十二年七月旱 舊志

十四年大水河及支流皆溢壞衛城人民或巢或舟溺傷

甚衆 文獻通考

十五年牛大疫八月大水害稼 河南通志

衛輝府志 卷四 祥異

十六年旱飢 舊志

二十九年秋大水 舊志

貞元元年春大飢斗米千錢死者相枕 舊志

八年秋大水溺傷人畜漂沒廬舍甚衆 舊志

元和四年十二月羣鳥夜集太行山 舊志

十二年大水平地水深丈餘 舊志

太和四年飢 舊志

九年春飢 舊志

開成二年秋蝗草木葉盡 舊志

大中十二年大水 舊志

草符二年河北馬生人 舊志

五代唐

大成二年有年 舊志

四年有年 舊志

晉

開運三年大霖雨十月河決衛州 舊志

周

廣順二年旬日無鳥 舊志

宋

建隆二年大旱 舊志

衛輝府志 卷四 祥異

四年衛河溢南北堤壞 舊志

乾德二年夏蝗 舊志

五年衛州河溢城圯民多溺沒城中水深五尺許 河南志

開寶五年河溢衛州 舊志

六年六月河決 舊志

七年四月衛州水 舊志

太平興國二年閏七月蝗蝻生 舊志

二年正月衛州獻金龜五月河決 文獻通考

四年九月衛州河決沒縣壞新堤 舊志

七年春旱 舊志

端拱二年衛州火燔州縣官舍倉庫軍營三百餘區又

賢坊有鳥啣火燔數十處七日不滅舊志

淳化二年旱舊志

咸平元年正月彗星見於營室舊志

乾興元年大水河南通志

天聖二年大旱蝗舊志

六年五月己卯大蝗舊志

七年六月大水舊志

明道二年七月蝗舊志

三年雨赤雪舊志

衛輝府志 卷四 祥異

慶歷八年六月大水舊志

皇祐元年三月黃衛二河決文獻通考

嘉祐元年六月丁未大水舊志

六年三月癸巳火犯木在營室七月淫雨傷禾文獻通考

熙寧元年八月地大震數刻不止有聲如雷城隍具居大

半摧覆壓死者甚衆舊志

三年八月旱舊志

四年二月辛巳大旱冬十月崇寧河溢舊志

五年大蝗舊志

六年蝗

七年自去年秋七月不雨至夏四月舊志

九年八月旱舊志

十年秋七月黃河溢舊志

元豐二年春旱舊志

四年七月河溢舊志

元祐四年春地震舊志

八年大水舊志

元符元年大水舊志

三年六月大水河溢漂溺人畜廬舍孔眾

崇寧元年夏蝗舊志

衛輝府志  卷四 祥異

三年四年連歲大蝗舊志

大觀元年河溢漂沒廬舍舊志

宣和六年秋大水百姓流徙舊志

慶元六年四月癸巳熒惑合於室舊志

金

大定十一年河決衛州舊志

二十年河決衛州舊志

二十六年河決衛州堤壞其城舊志

二十七年黃沁二河溢康熙續志

明昌四年六月河決衛州舊志

五年河東徙汲滌之流遂絕

舊志

承安五年四月癸巳熒惑合於室

舊志

貞祐間星妖下流淇上羣兒謠曰團樂冬半破年寒食節

絕人烟元兵屠城

舊志

元

至元三年水害稼

舊志

四年五月大雨雹

舊志

五年秋七月鸚鵡食蝗

舊志

九年七月沁河決

康熙續志

二十年六月大雨有蒼龍墮河石鄉農家

舊志

衛輝府志

卷四

祥異

十一

二百四六

二十七年夏四月蝗

舊志

大德十年五月獲嘉大雨雹大風拔木

舊志

元祐元年地震

舊志

至正五年蝗秋七月鸚鵡食蝗

舊志

十七年秋八月劉福通陷衛輝路

舊志

十九年夏五月大水

舊志

明

洪武二十九年九月鳳凰集汲滌岡羣鳥隨從鳴噪翔翔

三日而去

舊志

永樂七年二月旱蝗

舊志

十三年黃沁二河溢漂流民居泮沒禾稼壞衛輝兌糧倉糧遂移於大名府小灘鎮康熙朝志

宣德七年有年舊志

正統元年蝗旱舊志

四年五月大水七月沁水决壞堤岸舊志

六年秋蝗舊志

九年秋大水沒民舍舊志

十一年蝗舊志

天順元年夏大水河决舊志

七年自正月不雨至於四月舊志

衛輝府志 卷四 雜錄

九年旱舊志

成化三年七月蝗舊志

九年沁衛河溢泮城郭壞民居新輝縣志

十七年二月地震舊志

十八年六月二十三日河溢泮沒田產漂溺人畜甚眾舊志

十九年三月七日陰霾秋大飢人相食舊志

二十年五月旱舊志

宏治六年四月甲辰地震有聲舊志

十一年斗粟十錢糧差難辦謂之熟荒舊志

十三年汝王府後宮火一夜盡燬舊志

十五年六月河溢滄沒田禾民舍九月十七日地震有聲

正德二年十二月大雪五日平地深丈餘舊志

十四年五月五日黑風書晦舊志

嘉靖三年春民飢正月五星聚於營室舊志

七年大旱蝗野無寸草舊志

八年春飢人相食舊志

九年有年舊志

十七年大蝗舊志

十八年世宗南巡次衛輝有旋風繞駕是夕行宮火宮人

死者甚眾舊志

衛輝府志 卷四 雜異

十九年蝗舊志

二十年大蝗舊志

二十二年沁河決舊志

二十六年水屋逆行留營室舊志

三十三年大水舊志

三十七年沁河水溢傷禾舊志

四十一年冰雹舊志

隆慶三年大水舊志

萬曆六年六月大雨平地水深數尺河水漲衝沒官署民

舍甚多舊志

十年旱蝗 舊志

十一年西南境大雨雹 舊志

十二年正月二十六日大雨震電 舊志

十三年旱 舊志

十四年自春正月旱至六月九月大風 舊志

十五年大飢三月三日申時地震有聲如雷城堞摧圮屋

宇動搖大飢大疫四月五月大旱五月大風七月大水

黃沁二河決二十一二日連日大風田禾傷損民益苦

飢 舊志

十六年大旱大疫 舊志

衛輝府志 卷四 詳異

齒

二百九八

二十四年二月濟府門火夏四月雨雪秋蝗食禾殆盡至

嚙人衣八月雨雪 舊志

二十五年沁河決大水滄東北二關城半頽圮東西北三

門土塞 舊志

三十四年秋大蝗傷禾 舊志

三十七年大旱人攬食於市死者相枕籍 舊志

三十九年二月牛產犢一膊兩頭兩口四眼兩耳七蹄 舊志

四十六年飛蝗蔽天食穀殆盡 舊志

天啟二年秋八月冰雹大如掌損秋禾 舊志

崇禎六年大水泮没田禾 舊志

八年大蝗 舊志

十一年旱無麥秋蝗蔽日食禾盡嚼及竹樹蘆荻 舊志

十二年旱蝗大荒 舊志

十三年三月大風沙霾晝晦春夏旱蝗大飢人相食 舊志

十四年大蝗食麥秋野無寸草 舊志

十五年蝗食春苗有黑頭蜂食蝗蝗隨滅 舊志

十六年三月大風猝至秋四野鬼哭既而城內僞哭 舊志

十七年正月庚寅朔日無光 舊志

國朝

順治二年四月城西角樓火傷居民

衛輝府志 卷四 祥異

五

二百五八

十年大水

十一年沁河決城內行舟四月冰雹損麥

十三年三月五日大風沙霾晝晦

十四年旱

十五年旱

十六年二月晦日大風雪牛羊多凍死

康熙二年春夏旱七月沁河決郡城以土塞門

四年秋霖雨傷禾十一月彗星見

六年八月蝗

七年六月十三日地震

二十二年正月雷鳴夏旱

十八年秋大水晚禾盡朽

二十一年十月初五日地震

二十二年夏旱

二十三年春大雨傷禾夏大旱

二十七年春夏旱

二十九年春夏風霾傷禾秋旱免糧十之三漕米停運

三十年夏旱秋蝗民大飢奉 文賑卹蠲免地丁

三十三年夏秋蝗不成災

三十四年四月初六日地震有聲

衛輝府志 卷四 祥異

四十二年大旱八月隕霜傷禾

五十四年二月大風九日無麥民大飢

五十八年有年

六十年旱飢奉 文停徵賑卹

六十一年旱飢停徵奉 文賑卹

雍正元年荒旱無麥奉 文賑卹秋豐稔

二年春二月日月合璧五星連珠會於娥訾

四年四月隕霜

六年嘉禾生麥秀三岐穀秀十三岐大有年

七年嘉禾生大有年

十三年三月慶雲見
乾隆元年春三月雨
知

二年大水奉 文賑
六

三年夏五月大風拔木

四年六月大水城內行舟漂溺人畜九月大雨水復發麥

苗盡澹奉 文賑卹

八年有年

九年有年

十年春二月風大作黃沙蔽日

十一年無麥

衛輝府志

卷四 祥異

七

二

十二年春風損麥秋雨傷禾

十四年秋雨傷禾

十五年三月大風雨冰雪損麥

十六年六月河決田廬澹沒

十七年夏旱牛大疫四月蝗不爲災

十九年大有年

二十二年夏大雨三晝夜沁河決城內水深數尺田廬澹

沒

二十六年秋黃河決田廬澹沒

二十八年秋大雨三晝夜傷禾

三十五年春大風損麥

三十六年蝗

三十九年春風拔木

四十二年旱無麥秋

四十三年春大風旱無麥夏蝗不為災奉 文緩徵賑卹

四十四年河決奉 文緩徵

四十九年大旱無麥秋奉 文豁免地丁

五十年大旱無麥人多疫奉 文賑卹 新鄉縣民李子玠

五世同堂

五十一年大飢夏飛蝗蔽日食秋禾盡奉 文賑卹 獲

衛輝府志

卷四 祥異

六

一百八元

嘉縣民聶士聰妻史氏一產三男

五十二年延津縣民申令友妻袁氏一產三男

五十三年春旱秋雨傷禾奉 文漕糧緩徵 以上採訪事實

